



U vezi sa realizacijom aktivnosti iz projekta FOST INNO koji se finansira iz IPA II Programa transnacionalne saradnje Interreg Adrion 2014-2020 – projekt: FOST INNO (381), i u kojem Stručna služba za razvoj i međunarodne projekte predstavlja partnera za realizaciju projektnih aktivnosti na području Zeničko-dobojskog kantona, a zbog ukazane potrebe za zaključivanje ugovora o djelu u Stručnoj službi za razvoj i međunarodne projekte, sekretar Stručne službe za razvoj i međunarodne projekte Zeničko-dobojskog kantona, dana 30.01.2018. godine, o b j a v l j u j e:

**JAVNI POZIV
za dostavljanje ponuda za pružanje vanjskih stručnih usluga fizičkih lica
po osnovu ugovora o djelu**

Angažovano lice će, kao vanjski saradnik, raditi na poslovima i zadacima koji se odnose na realizaciju aktivnosti iz projekta FOST INNO definisanim odobrenom aplikacionom formom projekta. Ovi poslovi i zadaci podrazumijevaju koordinaciju projektnim aktivnostima na lokalnom nivou, kao i nivou partnerstva u projektu, komunikaciju sa stranim i domaćim partnerima, državnim institucijama nadležnim za programe i projekte EU, pripremanje izvještaja o realizaciji aktivnosti, finansijskih izvještaja, projektnih materijala i dokumentacije, pripremanje i organizaciju radionica/seminara za potrebe projekta, pripremanje tekstova za potrebe informisanja šire javnosti, diseminaciju i plan komunikacije, pripremanje strateških dokumenata, prijenos znanja i testiranje. Pored navedenih, poslova i zadataka angažovano lice će raditi i na realizaciji direktnih ciljeva projekta koji se odnose na pružanje podrške razvoju regionalnog inovativnog sistema u oblasti turizma u jadransko-jonskom području.

Pored općih uslova (da je državljanin BiH, da je punoljetan, da ima opću zdravstvenu sposobnost za obavljanje poslova, da u posljednje dvije godine od dana objavljivanja poziva nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX. 1. Ustava Bosne i Hercegovine), kandidat treba da ispunjava i slijedeće **posebne uslove**:

- a) završen fakultet, što se dokazuje kopijom diplome;
- b) odlično poznavanje engleskog jezika, što dokazuje kopijom potvrde;
- c) iskustvo na implementaciji projekata koje finansira EU i drugi donatori, što dokazuje kopijom potvrde ili ugovora o ranijim poslovima sklopljenim sa naručiocem posla;
- d) poznavanje rada na računaru (MS Word, Excel, Outlook, Internet pretraživanje), što dokazuje kopijom potvrde.

Kandidati treba da dostave prijavu sa slijedećim prilogima:

- biografiju,
- dokaze o ispunjavanju navedenih posebnih uslova,
- kopiju uvjerenja o državljanstvu ili CIPS-ove lične karte,
- ukupnu neto cijenu usluge za period angažmana po satu.

**Prijave je potrebno dostaviti Stručnoj službi za razvoj i međunarodne projekte ZDK
adresa: Kučukovići 2, 72000 Zenica ili na e-mail: sluzba.razvoj@zdk.ba
Rok za dostavu prijava je 13.02.2018. godine do 16 sati.**